



敬通野乘一集卷二

梁溪鄒

漪流綺甫纂

洪侍郎傳

公諱文衡字桂渚直隸歙縣人也成萬曆己丑進士授戶部主事司太倉釐革耗蠹清風謖然時前星未定言者竄逐相繼公抗疏謂冊立之期已過十年冠婚之期亦越五載皇上試想今日宗廟社稷大計纘承敬佑良謨事孰大于此者乃明旨屢更人情共駭臣誠不忍戀一己之祿位而坐視人心之動搖疏



入不報改禮部尋改吏部因時宰媚之請告去亡何  
竟移南虞部往時遷客視官如郵亭置職業不問公  
獨鞅掌拮据不厭瑣屑節省水衡金錢十餘萬卽中  
貴多斂手避遷光祿太常少卿復林居十餘年光  
宗卽位起大理少卿轉太常卿祧廟議起公謂今日  
所議祧憲廟者則睿宗之父世宗之祖至皇上之  
親睿宗則爲高祖之父亦旣五世矣子雖齊聖不先  
父食憲廟議祧或者睿宗尊親之念亦有不安者  
則臣子所宜體也祖父一體原無軒輕憲廟議祧

者世宗尊祖之念亦有不妥者則臣子所宜體也  
蓋昔者睿宗之入太廟寔出世宗一時崇奉之至  
情揆諸典禮睿宗非繼統之君不得入也且睿宗列  
在藩封常爲武宗臣矣一旦加于武宗之上于  
禮旣不合于情亦未安第世宗孝思純篤臣子過  
于將順遂因仍至今而考之前代如漢唐宋繼統之  
君原無此議也臣竊謂今日所當祧者似以睿宗爲  
宜況睿宗自有特廟玉芝宮朝夕上膳禮極尊崇儼  
然百世不遷之宗于睿宗在天之靈亦甚慊也皇上

宜及此時釐正。語雖未行。朝論偉之。亡何病卒。贈工部右侍郎。公神宇嚴重。志方行。潔進退不苟。取予介然。望之亭亭嶽嶽。有古大臣風。顧未竟其用。論者惜之。

論曰。熹廟時。以名流同起田間。旋歿京邸者四人。先劉公元珍。次公又次鮑公應鰲。陳公大綬。皆以憂時。後先實粹。曙幾先者不勝云。亡之痛焉。顧世稱公爲殊絕人物。謂其清節罕儔也。乃當大故。值大禮。義色昌言。動閔世道。視險如夷。不阻不渝。非直養無害者不能。豈僅僅以廉靖稱而已。使得永年。光日月而扶名教。可勝道哉。



汪尚書傳

公名應蛟直隸婺源人總角時卽以聖賢自許成萬曆甲戌進士除南京兵部主事尋改禮部修方正學墓置田祀之考最入京感時事抗疏忤達官移疾歸有以美秩招之者謝不應以福建憲副出遂廻翔藩臬間備兵易州有礦璫熾甚公露章劾之謂聖明在上而豺狼噬人於白晝狐鼠公行於大都日甚一日陛下止以利在帑藏之私蓄而臣正患在閭巷之殘傷陛下或苟安在目前之無恙而臣正慮在將來之

不測倘及今不悔悟而日積月釀以至天變人離雖復盡天地爲黃金變河沙爲珠玉而瓦解勢成天下事可勝道哉疏入上優容焉旋以倭警移備津門亡何鎮撫天津倭難弭罷津撫改撫保定開葛沽一帶水田歲得數萬米後北兵發難從津門轉輸人賴其利畿南大饑督有司賑貧乏全活者億萬計疏爲三輔請命謂民窮已極賣妻鬻子止博數錢搗葉磨根尚欠一飽若催徵之令未已則賑濟之事謂何得旨減稅額六萬屬吏以尉薦謝者絕不與通晉少司

空引疾歸遷貳吏兵又推兩廣前遼河道總督皆不報天啟辛酉赴大司農名而紅丸事起孫宗伯鄒總憲相繼疏論左從哲上命九卿科道會議公具疏謂先帝以良勞致疾崔文昇故進下藥勢遂不起而李可灼紅丸又促之違進御之舊章啟奸宵之陰竇並應拏解法司正罪而從哲實荐可灼不能討賊反行賞奸撥諸許世子之爲法受惡何以自解似宜聽其自請盡還正朝恩命官階遠歸故郡列爲編氓庶幾大義明而群疑釋又論移宮一案謂皇上登極

年已十六。選侍垂簾。意欲何爲。說者謂與封后總一  
機關。所不敢知。倘二事有一得行。不知朝廷作何景  
象。從哲以顧命元老。游移可否。若有若無。若痴若黠。  
臨大節而不可奪。無望矣。且以封后移官二事。合于  
進藥一事。不知萬世春秋之筆。當書從哲爲何如人  
也。而二三群小。咸側目公矣。時東西多事。征調頻煩。  
公所條上。多主清汰。而軍興不乏。議三方布置者。需  
兵三十萬。餉一千二百萬。力持之。減其半。往往與時  
相左。有議其老不任事者。遂乞骸歸。加太子少保。謝

疏引宋儒言。以親宦官爲戒。歸五年而卒。公敬慎直  
廉。不務矯飾。議論舉措。自耻詭隨。敷歷中外。幾四十  
年。雖心存恕厚。未嘗察察求人。過而好貪。不法自對  
之。消沮有古大臣風云。論曰。士當危疑之會。不能自立。旅衆爲進退者。得失  
心累之也。汪公視爵位如浮雲。敷歷中外。建豎表表。  
又肯媚時相。以改節乎。夫使汪公而媚時相。其進秩  
亦不過尚書官保而已。違衆守。是不顧時忌。不搖邪  
說。庶幾古稱社稷臣矣。

何總督傳

公名士晉字武莪直隸宜興人也○中萬曆甲午舉人○  
戊戌成進士○爲人智深勇沉○膽決無雙○筮仕得寧波  
司理搏擊豪強○案無留牘○入爲工科給事中○巡視節  
慎庫釐奸剔蠹○能舉其職○甲寅巡視皇城○乙卯有  
張差之獄○當事者恐詞連戚畹○欲以風癩二字蔽之○  
不肯深究○提牢主事王之寀○獨請窮治○主使臺省右  
戚畹者○不以爲然○公獨上疏曰○頃者逆犯張差持挺  
突入慈慶宮○打傷守門內官李監○直逼前殿簷下○其

去東宮○僅數武瓦○藉非天祐皇儲○神禘兕觥○立就擒  
縛○今日乾坤○不知作何景象○而朝中大小臣工之頸  
血○行且濺于何地矣○此事關係宗社安危○祖宗二百  
五十餘年○所未經見○皇上宜何如震怒○三事大臣宜  
何如計安○乃旬日以來○似猶泄泄○豈刑部主事王之  
家○疏果無故而發大難之端耶○夫將則必誅○國之大  
禁○見賊不討○臣之大僂○事勢至此○亂臣賊子人人得  
而誅之○臣方痛心疾首○誓不俱生○至于自皇太子冊  
立以來○告之天地祖宗○則天地祖宗○式憑之矣○告之  
百官兆姓○則百官兆姓○翼戴告之○九夷八蠻○則九夷  
八蠻○拱嚮之矣○當此之時○雖內有同床半夜之啼○外  
有鑄山煮海之法○參以公孫詭之謀○挾以中常侍之  
党○日令荆軻聶政○與東宮為難○天下人心○其誰與我  
祗足取赤族誅為萬世笑耳○故東宮安則各宮安○諸  
藩安○海內俱安○東宮危則各宮危○諸藩危○海內俱危  
今當東宮震驚之後○人心觀望之時○皇上亟宜下法  
司之○請正罪人○謝九廟○懃諭中宮○慎起居○嚴侍衛○而  
凡與椒房之列者○俱令分任其責○明示反側子奸宄

決無可容則保護東宮之第一義也。疏入不報已而  
戚臣鄭國泰辨戶部主事陸大受疏謂無端受疑公  
復上疏曰人之疑國太非始今日試問國太三王之  
議何由而起閹範之序何由而進妖書之毒何由而  
構此首禍之疑也至今未有以對天下也又問國太  
孟養浩等何由而杖戴士衡等何繇而戍王德完等  
何繇而錮此挑激之疑也至今未有以謝天下也又  
問國太如林之旅環衛洛陽而青宮之儀衛誰爲簡  
汰雕峻之貢征及萬厦而淑陵之坏土誰爲寢閣此

備注之疑也至今未有以慰天下也且今日之疑國  
太又非僅僅一張差而已仍恐騎虎不下挺而走險  
一擊不中別有陰謀皇上不急護東宮則東宮爲孤  
注萬一東宮失護而皇上又轉爲孤注矣國太若欲  
釋人之疑計惟明告中宮求皇上速將二豎勅付法  
曹如供有國太主謀是乾坤之大逆九廟之罪人借  
劍上方請自臣始設與國太無干臣請與國太約令  
國太自具一疏告之皇上誓之九廟此後凡皇太子  
皇長孫一切起居俱係國太全家保護倘有疎虞罪

坐國太則職亦願與在廷諸臣亦願以國太身家之  
事乞皇上與皇太子有好無尤永全恩禮若國太畏  
各犯招扳一味熒惑聖聽久稽廷訊則此獄將不結  
乎我國家鑒前代之失獨不許外戚預政其棄此輩  
何異孤鷄腐鼠况謀反大逆知情故縱隱藏並坐重  
辟犯下十惡不在八議大小臣工行且合力殿爭操  
三尺而議其後矣疏入神宗心動乃御慈寧宮召  
見輔臣九卿科道諭以保愛皇太子至意令速決張  
璠并龔保劉成于內事始得竣而側目公者遂倡

爲元功奇貨之說且借中言出公浙藩矣旣而復遠  
徙公廣西叅議庚申光宗卽位公適以齋捧入元  
楊左諸條畫皆公密與商定已擢公尚寶少卿辛酉  
轉太僕壬戌出撫廣西甲子陞兵部右侍郎總督兩  
廣而魏璫用事前王風癩者俱起列要地遂起汪文  
言獄坐公贓十萬列公名三朝要典之首且慕且殺  
公會公卒得免毅宗登極知公寃悉蠲其贓仍復  
原官特加贈卹論曰公爲孤童卽遭家難仇人旣殺公父慮公爲後

思○并○剪○焉○公○內○則○椎○心○泣○血○誓○不○共○戴○外○則○百○計○  
韜○晦○始○獲○自○全○已○卒○自○父○寃○置○仇○于○理○論○者○以○爲○有○  
伍○相○國○風○及○觀○公○兩○封○事○又○何○不○避○斧○鉞○也○求○忠○臣○  
于○孝○子○之○門○信○哉○

侯祭酒傳

公名恪字若樸號木菴商丘人太常寺卿執滌之次  
子戶部尚書恂之弟也太常正色立朝奉采嶽嶽公  
爲書生時受知於建德家宰鄭公三俊萬曆丙辰兄  
弟同舉進士家世科名文章氣節重于當時己未廷  
試改翰林院庶吉士天啟中以編修與纂修神  
光兩廟實錄于挺擊紅丸移官三察直筆大書乙丑  
分考禮闈盡黜時文庸靡之習所得士如張肯堂鄭  
友玄党還醇宋玫等後皆爲名臣時奄魏忠賢竊柄

附會故輔沈淮逐大司寇王公紀公為起居注直書其事且摘發其奸謂將貽禍不小而奄不知也託其私人金吾田爾耕招致公公峻拒之遂謝病歸奄于是啣公而公故與應山楊忠烈嘉善魏忠節善時楊公上疏列奄二十四大罪奄疑公與其謀嗾所私御史某論公為東林邪黨矯旨削籍已而緹騎四出清流幾有一網之禍公里居惴惴不免顧築遂園日夜藝植逍遙其中賦詩飲酒不輟會烈皇即位奄伏誅尋以春坊中允起公田間佐蒲州韓爌駁正三朝

要典充記注官尚書溫體仁以爭校卜事囑公稍曲筆掩護公不可累遷論德庶子掌坊兼翰林侍讀又以言語忤體仁尋出公為南京國子監祭酒公自分考有知人得士名三吳文人至相謂曰安得采首山之銅鑄侯太史令長司文衡及抵任天下士子赴試者數千人自國家設成均以來人文之盛所未有也公考祖制定監規疏陳興辟雍勸實學求真才養士氣充廩餼勵師儒等六事上嘉納之亡何以病請告歸卒年僅四十有三公孝友篤切磊落有大志恥屑

屑流俗細行學博而正論議沛然爲文章波瀾藻麗  
根極理要儀度恭肅人不敢犯於書經史子集詩賦  
皆旁搜博覽手自丹黃尤工屬詩以大雅自命嘗言  
詩自三百篇而後存亡者三漢魏存矣六朝亡也唐  
存矣五代宋元亡也國朝正嘉存矣今又亡也識者  
以爲名言

論曰賈生爲傳不得職至哭泣以死古人之不苟于  
其官如此近世史秩視爲冷局類媛媛姝姝柔聲下  
氣涵養相體人稱爲女兒官公獨隨事効忠觸奸指  
佞獻可替否抑何壯與彼處高爵膺職不以人國  
爲念而惟身家是營者視公真天淵矣

方大理傳

公名大鎮字君靜號魯嶽桐城人萬曆己丑進士授大名府推官入爲江西道御史以病乞歸丁未起浙江巡鹽戊申請告壬子巡按河南事未竣而移疾壬戌改按京畿強起應召蓋臺資二十餘年矣陞大理寺丞晉左少卿奉命使蜀旣還而當禍作遂乞休陞南京光祿寺卿未任其難進易退之節始終一致天下高之居官公廉惠愛所至有聲尤尚風節崇理學在大名以平恕稱獄無滯囚嘗平反疑獄所活者百

三十人在浙江通鹽政之鬱免白糧之稅商民交便  
之嘗為陳簡討憲章胡布衣居仁請謚在河南疏請  
儲講再請褒崇理學名臣鄒元標周汝登王艮羅汝  
芳顧憲成等福府莊田四萬屢奉嚴旨公執奏竟減  
其半在大理盡心評駁凡出死囚十三人奉使陞辭  
疏請經筵四事并請召用諸理學正人時憲臣鄒南  
臯馮少墟兩先生建首善書院於京師聚同志講學  
其中公亦與焉及公使還諸小人方排斥理學毀書  
院兩公皆去位公筮得同人於野遂引疾歸自號野

同翁隱於白鹿山仍與門人講學不輟公每言性  
後諸仁義仁義根於無為而為之心此為至善此為  
良知此為窮理居敬作論六篇力辨異學他所著有  
聞斯錄桐川講義易意詩意禮說等數十種皆于城  
儒教之書鄒馮兩公嘗嘆曰方魯獄天下士吾道中  
一人也其推重如此公性至孝太恭人歿公年垂七  
十禮惟衰麻在身公獨哀毀廬墓朝夕孺子泣竟以  
過傷及禫而卒門人私謚曰文孝先生公子孔炤丙  
辰進士官至兵部侍郎孫以智崇順庚辰進士擅文

望負氣節自申酉後披緇入山所著自祭文及詩歌  
並書壯可風曾孫中德彬彬世其家學  
論曰先生端毅純正允為一代大儒游歷清班風猷  
蹇蹇安貧樂道述史譯經先生於是乎不朽矣彼有  
科名赫奕身竄遐荒名實俱喪其視先生孰失孰得  
為何如也

陳尚書傳

公諱道亨江西新建人舉于鄉瓶無儲粟有以居間  
請者麾去之成進士授刑部主事念母老改南兵部  
調南吏部再丁家難歷郎署二十年幾老矣泊然不  
為念也風雨淋漓床無幃夫人于嚴冬猶禦葛裳益  
忻忻自適後參楚藩舉卓異攝藩司不戒于火將延  
庫藏仰天祝之天為返風晉山東臬使遷右轄遷閩  
左轄所到皆以卓異舉久之以南副院督操江舊額  
軍萬五千船四百餘後僅存疲卒四千朽舳六十餘

而已。議補之。又造營房以棲陸兵。訓練無虛日。括羨  
餉三萬餘金。克遼餉。遷少司寇。復以少司空治河于  
濟。兩載疏濬。黃泖安瀾。值逆妖之難。連破數邑。遂謀  
犯濟。濟已有備。具內應者已斃。杖下矣。賊爲膽悸。復  
遣都司楊國棟。亟救。竟而遙張疑兵。以護運艘。啣尾  
而進。京無匱糧。賊平。僅拜銀幣之賜。進長留。樞欲仿  
戚將軍之法。訓健兒。又定爲造船三則。終前志也。特  
逆璫漸亂。政揚忠烈。首擊之。公率南都九列大臣。相  
應。予自屬草大略。謂人主一心。官府之所取。平臣工

之所稟命。乃皇上眷念忠賢。不忍聽其陳請。而且責  
楊漣以牽誣罪。羣臣以附和。臣等何容置喙。然臣竊  
思漣受顧命。又感特恩。其奮激觸邪。以其見聞之真  
者入告。正漣忠于陛下之職分。豈敢妄有牽誣。卽在  
廷諸臣。親見忠賢。假以小勞。恣其大逆。是以同心討  
罪。皇上試思。邇來朝政參差。國勢搶攘。物力凋耗。世  
界萎蕪。豈無召致而然。今觀忠賢罪狀。假令十有一  
真。已足虧損聖德。傷和致戾。况如廷臣博採。就中十  
無一虛。惟祈陛下卽賜處分。自爲社稷計。疏入。璫

惡甚遂決不能容公。因引疾歸。迄能考終。公和易近人。而風規凝遠。望而知為名德也。同鄉有陳侍郎邦瞻。陳罔卿。大綬。稱三陳云。

論曰。弘治間中人李貴。權傾中外。大臣競賄結之。樗庵王公獨不與通。或有諷其隨時者。王公曰。吾三十年孤燈。發婦肯渝節乎。又正德間劉瑾亂政。南都臺諫以言事被逮。衆皆畏避。惟泉山林公往贐之。且欲為直其事。瑾怒致謫。降歸。兩公皆官南大司馬。而德尊望重。又與公同。願未若公之侃侃。出身犯難也。公

嘗語人曰。希賢希聖。我未之能。然未嘗一日不學。為君子。未嘗敢一置其身于不善之地。見仕途有屈節權門者。則深輦嘆息。謂士患不能得死所耳。窮通禍福。有命焉。此身一失。胡可復也。公之所見如此。則其知幾勇退。克保始終。又豈偶然也哉。

蔡侍郎傳

公名毅，中字弘甫，江西建陽人。母夢神人，緋衣象簡，鼓吹下庭際，寤而生。公少穎異，五歲通孝經，父問讀書何為，公曰：欲為聖賢耳。七歲舉奇童，邑令試咏堂上，鶴應聲曰：海上歸來不記年，鳴皋聲徹靄雲邊。上林得獻千秋賦，御筆親題一品仙。聞者驚歎，尋補諸生。中萬曆己卯舉人，主試趙公南星一見，目為經濟宏才。至辛丑始登第，選讀中秘書，癸卯授簡討時。公慮礦稅縱橫必亂天下，乃節祖訓註疏進之。略曰：

恭惟二祖法制之詳○垂憲萬世○而于礦稅尤加禁戒○蓋知后世小人能動人主之欲者無如言利故有開利禁者必誅○金寶之山必封○關市之徵從薄○皇上仁聖孝慈○動遵祖訓○適行開採○遂至百姓流離○臣目擊時艱○節取皇明寶訓○大明會典諸書○集礦稅二卷○竊加註疏○妄欲回天○書上院長○惡其不由已進○又靈濟宮講學○每會數十人○奉公主盟○側目者復以此譖公于四明中○公計典又六年○補麻城丞○旋以行人司副徵○應命入都○具疏進古文○奉經集註○備青宮啓沃○

晉尚寶丞○陪推國子司業○而某給事有推高邑之怒○以怒公者○因論推司業不當○公拂袖歸○又四年○而給事踞吏垣○復以計典中公迨兩朝○某論旁昭公起廢籍判長蘆○其爲行人司副尚寶丞者○再改國子司業○旋以官論領司業事○克經筵講官○是年晉祭酒○時雍政久弛○公力整飭○有遵祖制復監規○及進經書字學要覽會編疏○最後有擊逆闔一疏○蓋自楊忠烈○自發二十四罪臺省及大小九列繼之○疏引武廟之處瑾神廟之處保願○皇上急除肘腋之奸○疏上逆

闔戟手而詢言國學有何相干亦來攻我時趙忠毅  
秉銓高忠憲秉憲楊左魏袁諸君子林立要津公皆  
以道誼交歡比忠毅見逐百僚匿影公獨送之入井  
且致書真定巡撫程公正已白其免隨擢禮部侍郎  
兼翰林院侍讀學士仍攝監事時駕臨雍有司有三  
中涓送監生百餘名撥歷公欲留諸生候橋門之典  
不聽遂矯旨改明春視學公上視學改期保安聖躬  
疏略曰視學帝王彝典列祖每于登極後數年舉行  
今卽遲之明歲無妨大禮獨是皇上養身之道不

可一日不講伏願端拱默坐正心誠意無令陰邪得  
以柔媚進因上誠正格致箴而彈文叠至乙丑勅令  
致仕崇禎御極臺省交薦方奉酌議起用之旨而公  
於辛未病卒公讀書破萬卷自五經至百家無一不  
研覽所著有孝經註疏詩經輔傳訂正易書等註三  
禮彙義春秋通志及團營班軍考革家丁議火攻書  
籌邊書四時志幾十種至於孝友性生甫四齡遇父  
病卽籲天請代旣而父歿嘔血斷葷三年如一日廬  
居數載出告反面問安視膳事死如生純孝通神明

若遇撫幼弟如子撫猶子如弟旌孀妹置義田立義館輯族譜凡古人展睦事實踐躬行世稱有德君子云

論曰先生以衆正薦剡而陟官以權璫摧折而休致其于出處之際亦旣卓然矣管在木天擅著述聲稱一代大儒無媿而予尤聞其少時讀書河東一夕有鄰女白薦正色拒之又尊人麻洮公在寧遠一幕官以獲罪聞先生省覲次洞庭挾千金請解先生麾之去嗚呼卽此二事而盛德醇修可驟見矣夫人品試

之于財色而始定彼今之貴公子漁色婪財卒至身膏法網一旦身家同盡安在天道無知耶曷不取先生遺行而三思之也

陳左都傳

公名于廷字孟諤號中湛直隸宜興人也。祖母邵以節聞。父一經以儒行顯。公登乙未進士。令光山。收秀水。光故多大豪。行錢縉紳間。以交令公痛絕之。秀多才地。公聽治之暇。專務作人治。最行取授御史。時科臣汪若霖以言事忤輔臣意。補外公抗疏論救。坐罰俸。奉命巡河東。鹺內豎張忠方摧晉稅。爪牙吏多虎而冠。撓鹽法。公首論忠抗令不法狀。乞除之。詔置豎他所。復蒐鹽羨及贖鍰。飽三晉飢民。賴全活者無筭。

已○酉○京○師○正○陽○門○災○公○疏○諫○陛○下○深○居○已○久○不○復○當  
陽○實○之○不○存○名○將○焉○附○故○天○怒○而○百○尺○為○傾○不○報○總  
憲○缺○公○疏○請○推○補○并○特○薦○鄒○元○標○趙○南○星○王○德○完○諸  
名○德○舊○臣○已○丁○父○艱○服○除○巡○按○江○右○淮○藩○庶○子○常○洪  
擅○國○作○奸○增○益○護○校○箴○匿○逋○逃○為○南○州○大○患○公○奏○洪  
謀○不○軌○置○大○辟○因○覈○藩○宗○之○庶○代○嫡○死○作○生○幼○冒○長  
詭○養○異○姓○一○切○為○宗○蠹○者○使○祿○無○闌○出○復○請○節○贖○稅  
數○萬○兩○輔○宗○祿○所○不○贍○大○璫○潘○相○踞○湖○口○摧○稅○築○黠  
害○人○激○變○商○民○公○申○明○律○令○三○疏○請○罷○稅○撤○璫○詞○義

慷慨○上○特○可○其○奏○已○改○差○按○山○東○歲○饑○發○贖○緡○俸○薪  
賑○之○所○全○活○如○三○晉○時○度○中○書○太○僕○辛○酉○轉○太○常○紅  
丸○議○起○公○奮○筆○議○曰○紅○丸○亦○舊○何○藥○卽○誤○矣○從○無○誤  
弑○人○主○之○律○如○律○于○父○母○止○有○謀○弑○凌○違○一○款○更○無  
別○條○減○等○文○昇○可○灼○為○故○為○誤○總○無○逃○于○大○辟○壬○戌  
秋○刑○部○尚○書○王○公○紀○以○攻○客○魏○奉○嚴○旨○為○民○公○特○疏  
申○救○尋○進○大○理○轉○吏○部○左○侍○郎○時○冢○宰○趙○公○南○星○也  
魏○璫○既○借○陳○九○疇○疏○逐○趙○與○御史○大○夫○高○公○攀○龍○公  
攝○部○當○推○代○者○輔○臣○顧○秉○謙○傳○璫○意○屬○某○某○且○為○危

言動公公不可與副院楊公漣僉院左公光斗同以  
喬允升馮從吾汪應蛟名上璫怒甚以所推爲趙公  
私人坐大不敬削公與楊左籍公陛辭後單車就道  
與楊左並轡聯吟以見志歸而鍵戶著書一語不及  
朝事戊辰毅宗御極璫敗言官交章薦公起公總  
留憲時當內計鄭司農三俊攝南太宰事公與矢心  
澄汰無失出傳免者太學生某鳩材建璫祠其人頗  
負時名公置之法南御史差竣例聽壯考公請先考  
于南庶耳目近而綜核真上報可著爲令秦淮間風

靡麗多以宴飲登遊等語公約法數章尤勒飲  
游之戒官箴肅然辛未北廷實做公以副推得旨召  
用公蒞任條陳院事有不敢稊稜以博渾厚亦不摺  
擊以傷元氣語未幾草場災下御史高倬獄武闈事  
又下御史余文燭獄公皆出疏申救尋考滿加公太  
子少保公三疏乞休不允時上念疆場乏材欲伸武  
臣之氣弁之軼怠而有驕心者窺見微指浸以難馭  
巡鹽御史祝徽戒飭衛弁有耆着堂上官考核公言  
巡方按臣煌煌代天將命而戒飭撓于武弁何以戢

驕慢五覆不奉詔御史畢佐周復如徽事仍着考核  
公堅執如前上怒削公籍公嘆曰老臣今有以報明  
主矣當魏璠時爲天下守道道喪身與俱喪今當明  
時爲朝廷守法法存身與俱存吾何憂歸二年而卒  
南都復官仍加贈卹子貞貽貞裕貞達貞慧慧尤負  
文章氣節孫維崧才名卓犖爲士林巨擘云  
論曰虎豹之在柙也三尺童子思操尺箠制其命及  
其負觸跳躍則賁育避之矣當忠烈劾闈大小諸臣  
草上以百計豈盡慷慨忠貞或亦值闈在柙時耳趙

高既逐大獄將興此正擇人而食之時公于是時  
侃推擇無少阿徇斯殆賁育所不如彼其奮不顧身  
豈望優游林泉重登鼎鉉哉蹶而復起再領烏臺歷  
事四朝終始一節謂天不佑正直吾不信也

張清惠傳

公名瑋字席之號二無直隸武進人也少孤貧家徒  
四壁嘗與巢刺史之梁就學外塾取糠粃自給不足  
則恐饑往還不輕就人一飯蓋秉性介特如此下帷  
攻苦無間晨夕有聲諸生間壬子受知督學熊公延  
弼卽以是秋領解額公不色喜布袍草履居然龍泉  
庵上苦書生也兩上公車不第閉戶力學不一至有  
司庭已未成進士授戶部主事時熹皇帝初立行  
大婚禮取給太倉出納浩繁餘羨流溢一時望爲金

穴○大○司○農○欲○以○公○典○筦○鑰○公○謝○不○可○于○是○清○譽○滿○長  
安○擢○公○職○方○司○旋○進○正○郎○故○事○每○推○總○戎○一○人○可○獲  
暮○夜○金○數○千○公○在○事○數○月○獨○懸○缺○不○補○當○事○心○儀○公  
將○命○公○典○天○曹○啓○事○託○所○知○道○意○時○天○啓○甲○子○也○公  
觀○時○事○多○艱○且○恥○由○門○戶○以○進○復○力○謝○之○僅○督○粵○東  
學○政○以○出○粵○東○風○俗○侈○麗○衡○文○者○宮○室○供○帳○輿○馬○飲  
食○之○奉○甲○于○他○省○象○犀○文○石○名○花○珠○貝○雜○置○左○右○公  
切○屏○去○獎○才○雋○拔○孤○寒○杜○請○託○士○風○不○變○會○省○城  
請○建○逆○賢○生○祠○其○士○梁○文○例○出○督○學○手○公○遂○拂○衣○賦

歸○來○清○風○兩○袖○橐○中○無○粵○東○一○物○授○徒○里○中○蔬○食○菜  
羹○研○朱○點○課○有○三○家○村○阜○比○所○不○能○甘○者○公○從○容○講  
授○忘○其○身○爲○賢○人○與○從○名○都○絳○帳○歸○也○時○論○翕○然○歸  
重○顧○以○恬○澹○無○求○不○事○標○榜○逆○賢○旣○殛○一○時○遭○璫○鋼  
者○連○茹○以○升○公○至○已○已○始○起○補○江○西○叅○議○猶○然○平○調  
而○已○歷○遷○福○建○江○西○山○東○副○使○周○旋○藩○臬○几○于○夢○斷  
京○華○會○吳○公○宗○達○在○政○府○心○折○公○廉○潔○端○方○難○進○易  
退○力○言○于○銓○曹○始○內○轉○尚○寶○旋○進○太○僕○已○又○以○直○道  
忤○時○降○補○南○大○理○寺○丞○庚○辰○始○起○應○天○府○丞○時○南○畿

旱蝗交作民不聊生公日睹道殣傷心殞涕拊循賑恤不遺餘力辛巳升南光祿寺卿召入爲僉都御史烈皇帝痛寇盜縱橫皆貪吏剋剝廢削賄賂營求竭澤而漁驅之走險欲亟拔清真絕俗之品師表百僚知公與方公岳貢曾公櫻實爲領袖方公旣用外吏大拜曾公亦自囚服領節鉞尤注意于公駸駸大用遂擢公副都御史公亟上風勵臺班疏謂懲往正以鑒來垂戒亦當昭勸今極貪則原任巡按蘇松御史某極廉則原任南道御史成勇勇與臣從不識面但巴那家居聞勇被逮士民泣送者萬計至百里不止後入南都始知勇在臺不濫准一詞不輕批一贖不輕受屬員一蔬一菓杰紳悍吏素爲民害者勇鐵面剛腸不少假借日與民講聖諭六條有父子兄弟之訟輒以孝友至性委曲開導至涕泣去臣離南中士民送臣就道同聲願俗成御史惠我南人雖前奉嚴譴宜召爲諸御史勸抑臣有感焉廉如成勇其謹也以叅舊輔貪如某其處也亦以叅舊輔兩人立身旣殊起念各別在勇直抒胸中所見可謂拂士之糾在

某自知公論難容。不過奸人蓋醜而已。若漫不加別。使大貪大詐。借一疏為護身之符。囊橐一失。豈補過之司。可以納汙藏垢。求賢之典。可以啓倖庇貪也哉。疏上一時稱快。而公亦漸病矣。上開平臺召公。慰諭諄諄。且問公楚寇事始末。公欲有所啓。以事多掣肘而止。自痛負上虛懷。隆禮有志不伸。遂憤鬱以卒。卒之前數日。猶時欲有所忼慨論列云。公少為薛尚寶敷教所知。後與同志講學書院莊事。文介而於鄉之賢者。吳禮部鍾巒。楊翰。撰廷鑑最稱莫逆。其學以慎獨知幾為宗。于禪理尤深。游天童三峰。兩大師間。末後一着。則自謂得力於祥符。繼起大師。云南都贈公左都御史。謚清惠。論曰。古巨儒名卿。究心宗乘者不乏。然或遊戲翰墨。或弘護金湯。求其以苦行頭陀。現宰官身。發明大事。惟山谷無垢。今得公而三矣。然山谷不能免。黔南之謫。無垢不能免。橫浦之竄。皆流離放逐於危處。一生○中○絕○後○再○甦○公○雖○留○滯○外○藩○身○名○俱○泰○晚○受○主○知○致○位○執○法○吾○於○是○知○先○帝○之○愛○憐○人○才○過○宋○代○萬○萬○

也

葉待郎傳

公諱茂才字參之號閒適直隸無錫人也成萬曆己丑進士授刑部主事念父老改南工部攝六篆事並治摧蕪闕杜羨餘開雙港之禁國課既登日點籌放船不取一緡皆驩呼祝贊而去疏以羨金餉邊且日往苦旱行旅罕通通而羨非臣願也請勿為額上賜金旌之壬辰改吏部郎請告歸里丁外艱戊戌守故官亡何復請告己亥補禮部郎辛丑遷尚寶丞丙午晉少卿戊申遷大理丞壬子晉南太僕少卿時朝論

訛○淆○有○斥○言○事○諸○臣○爲○護○奸○者○公○抗○章○爭○之○謂○當○日○  
毒○害○楚○宗○妖○書○煽○禍○揭○留○私○人○壞○祖○宗○二○百○餘○年○計○  
典○諸○不○法○事○皆○非○影○響○發○奸○摘○伏○忠○言○讜○論○表○表○在○  
人○耳○目○者○欲○坐○以○奸○人○捏○造○之○罪○將○使○大○臣○不○以○伊○  
周○爲○法○臺○省○不○以○唐○介○爲○師○決○裂○清○議○貽○禍○無○窮○疏○  
入○不○報○其○黨○更○攢○集○攻○公○公○怡○然○應○之○謂○臣○慙○直○無○  
党○何○分○彼○此○孤○立○寡○援○何○心○求○勝○內○省○不○疚○何○慮○夾○  
攻○雞○肋○一○官○何○難○勇○退○復○貽○書○當○事○曰○今○已○決○意○入○  
山○無○煩○再○計○然○公○論○明○則○治○不○明○則○亂○明○於○上○則○治○  
明○於○下○而○不○明○於○上○則○亂○此○理○亂○大○機○也○時○臺○中○有○  
欲○禁○旁○囂○者○則○有○旁○囂○止○囂○說○年○例○考○選○不○愜○輿○情○  
則○有○上○鄭○太○宰○書○隨○予○告○歸○天○啟○初○起○太○僕○少○卿○癸○  
亥○遷○太○常○皆○不○赴○甲○子○擢○南○工○部○右○侍○郎○甫○蒞○任○見○  
瑞○醜○方○張○時○事○日○異○先○幾○引○去○雖○覃○封○指○日○弗○戀○也○  
有○同○人○北○上○者○輒○輦○威○叮○嚀○曰○前○星○未○耀○主○上○孤○危○  
請○信○邸○出○閣○講○學○此○今○日○第○一○義○諸○君○何○不○慮○及○其○  
片○言○扼○要○如○此○比○党○禍○起○高○忠○憲○從○容○自○決○經○紀○之○  
無○餘○力○未○幾○亦○卒○年○七○十○二○公○勁○骨○清○標○昂○然○玉○立○

天性孝友廉明直諫與顧端文高忠憲皆以道學相  
規切爲鄉邦典型雖官居九列通藉四十年家酷貧  
布衣楚楚不作了鳥態傲橡庫隘而糞除整潔堂上  
榜三世無訟四字以此占世德云  
論曰世稱葉先生醇厚長者謙謙抑抑蓋恬雅薦茂  
君子也乃其當事又何屹然壁立哉仁者必勇誠哉  
是言矣出幟於朝處範於鄉進退光明取予介如如  
先生者乃真道學也噫卽以宰制天下坐鎮群品有  
餘矣

### 周尚書傳

公諱嘉謨字明卿號景松湖廣景陵人也中隆慶辛  
未進士授戶部主事甫弱冠著能聲丁丑出守韶州  
韶俗醇樸公剗刃有餘壬午晉憲副治瀘州下車卽  
窮治大憝楊騰霄豪猾股栗會建武兵變同官備其  
威咸縮慙不敢前公曰是何貔虎而遽鋒爪迫人也  
輒單車徑往曉諭禍福叛卒凡四千餘人皆俯首聽  
命及撫白艸番夷視師邛州灌縣皆饒方畧蜀人爲  
咏方叔召虎焉五年晉按察使乞歸尋丁內外艱服

闕起故官。值蜀人爲中使丘乘雲橫斂。逮繫相屬。公  
遍檄所司。俾一切得抗絕之。勿聽。又廉得奸黠附中  
貴爲虐者五人。斃諸法。民賴以安。轉左布政。二載。巡  
撫雲南。會滇當兵燹後。公意在與民休息。不欲勤兵。  
而十酋安民。背漢投緬。據蠻灣。公請兵討之。斬首二  
百餘級。獲安民。立其弟安靖。盡諭散其黨。而還無何。  
廷推公總督兩廣。公疏請減滇南額貢黃金五千兩。  
下。取立爲官買法。而酋夷交趾。有越境憂兵餉煩費。  
酌益贖四千餘金。給之。歲大水。請賑濟。且出俸

俸餘爲南海番禺高要高明四會諸邑築圩隄捍災  
患。作法周詳。陞南戶部侍郎。歷北工部。陞吏部尚書。  
值神宗賓天。光宗卽位。鄭貴妃邀封太后。公理  
諭其姪鄭養性。亟請貴妃辭封。后命辭義侃侃。未幾  
光宗不豫。公偕大學士劉公一燝。韓公爌。率給中中  
楊公漣。御史左公光斗等入受顧命。明日駕崩。是時  
熹廟方冲幼。群情惶惶。僉謂先朝選侍儼然以母道  
自居。意尚垂廉稱制。公首建議。請上御文華殿朝  
賀。以定危疑。已而駕至殿門。諸臣嵩呼畢。祈卜吉登

極而選侍猶岨負乾清宮不出。公倡九卿科道疏請。大畧謂選侍雖有撫愛之心。自不無形骸之隔。殿下年齡漸茂。婚禮未成。蛾眉粉黛。時溷目前。萬一防護稍疎。所閔匪細。惟殿下爲宗社自愛。近議先帝梓宮安設于仁智殿。選侍或可移駐後殿。俾一切宮嬪盡行隨入。一以奉几筵之香火。一以肅閭闔之範儀。社稷幸甚。疏入。選侍怒然。卒不得不移出。姑噦鸞宮。亡何逆璫用事。嗾其私人給事孫杰論公公罷歸。尋借移宮爲罪案。正直以次芟除。遂削公籍。追奪諡命。

除爲南海番禺高要高明四會諸邑築圩隄。災

作法周詳。陞南戶部侍郎。歷北工部。陞吏部尚書。值

神宗賓天而。光宗卽位。鄭貴妃邀封太后。公理論

其姪鄭養性。亟請貴妃辭封后。命辭義侃。未幾

光宗不豫。公入受顧命。明日駕崩。是時。熹廟冲幼。

群情惶。僉謂先朝選侍儼然以母道自居。意旨垂

廉稱制。公首建議請。熹宗御文華殿朝賀。以定危

疑。已而駕至殿門。諸臣嵩呼畢。祈上吉。登極而選侍

猶踞乾清不出。公倡九卿科道再請聲撼內廷。選侍

怒狀卒不得不移亡何逆璫用事。嗾私人孫杰論公罷歸。尋借移宮罪案削奪。迨思宗立。召起南京吏部尚書。踰年卒。

論曰垂簾稱制。事未必狀。然老成憂國。如公與楊左諸公。自當防危中之危。要乎求穩中之穩。不容不鯁。過計矣。嗚呼。衆賢並力。國體弘張。不旋踵而借爲罪案。悲夫。

### 孫太宰傳

公諱璋。字以貞。號藍石。陝西渭南人。童時有出世之志。遇方外異人。輒棄家追隨。一日夢逐一道人登高山。似非人世。飢甚。道人持一器若糜粥者。食之。謂曰。此糊塗也。汝從此無神仙分。當幹世間事業耳。公悔甚。驚覺。自此一意舉業。以萬曆丁丑成進士。由行人選給事中。以母病不候旨歸。降爲桃源主簿。累遷至保定。巡撫嚴法令。剔蠹弊。節浮靡。廣儲蓄。摧強撫弱。人賴以安。時滹沱水溢。從隸勸公乘船以避。公不可。

擇署中稍高處居之曰水至此惟有死耳水僅及床  
足而退衆服其有大臣之度遷兵部侍郎轉戶部總  
督倉場陞兵部尚書尋爲總憲風紀一新適應天巡  
按御史荆養喬與督學御史熊廷弼以言事互訐時  
論欲獨罷荆公按法兩斥之熊黨遂劾公歸里久之  
起南京吏部尚書改北刑部復以吏部尚書銜爲都  
御史甲子以老病乞歸不允而卒先一日效古人尸  
跡遺疏上陳內言劉一燝鄒元標周嘉謨王紀係慎  
行宜以弘曹于汴文震孟侯震滿朝薦諸名賢今皆

跽。草野陛下若聽臣言。漸次簡擢。必有能任昭德。  
塞違之責。效拾遺補缺之長。振飭紀綱。提醒聾聵。以  
爲陛下收拾人心者。尤願陛下寡欲。以保聖躬。勤學  
以進主德。優容以廣言路。明斷以攬大權。天意可回。  
民志可定。疏入上不報也。亡何逆璫用事。追論削奪。  
公爲人器宇端凝。風神邁勁。被服造次。必於禮法。聲  
色貨利。一無所嗜。當官守法。務在鉏抑疆梗。惠利小  
弱。而不爲瑣細科條。居常恂恂訥訥。及當大議大謀。  
衆莫敢發。公獨守經據古。片言取決。平生取予去就。

嚴于一介。至臧否人物。常依寬大。耻爲刻深。蓋老成  
正直君子也。

論曰。漢興御史大夫與丞相侂埒重也。其可屈指數  
者。周大夫昌之疆力。貢大夫禹之清直。薛大夫廣德  
之敢言尚矣。公不必盡有之。而裊躬軌行。從容養重。  
進而議于朝。退而儀于野者。又何多遜也。跡其尸諫  
一疏。惓惓懔懔。古大臣所謂以人事君者。庶無忝哉。

### 周文簡傳

公名炳謨。字仲覲。號念潛。南直無錫人。吏部侍郎文  
恪公子。義仲子也。中萬曆甲辰進士。改翰林院庶吉  
士。丁未除簡討。告歸。壬子補原職。丙辰陞左春坊左  
贊善。己未陞右春坊右諭德。辛酉轉左管誥勅。記注  
起居。充經筵日講官。明年晉少詹事。兼翰林院侍讀  
學士。擢禮部右侍郎。以纂修光宗實錄。加太子賓  
客。二品服俸。以璫患告歸。乙丑卒。公爲人正直忠淳。  
端重。縝密言笑。無所假念。切君身。憂深國。愀攢眉折

肱如恐不及甫入仕卽疏請皇太子出閣講學比遼左患起公援古証今開陳方畧稱引李長源策兵陸敬輿策餉李臨淮郭汾陽策敵馮都尉策無以文吏馭邊將娓娓千言時稱石畫其在講筵陳善責難必根極治亂興廢之原而時寓諷諫其癸丑分較禮闈辛酉主考北闈所得皆名士其冊封代藩屏絕餽遺人誦廉潔方魏璫與政朝局紛紜時有纂修之役史館中多愾縮規避者公毅然曰先帝一月天子萬年聖人臣子分當誦揚鴻猷敢護一官而他諉耶子挺

掌紅丸諸案奮筆大書發姦甚力人服其正而疑忌者益側目益事繫宮闈人情積有畸向公持議不阿遂違時論迨璫燄益熾羣小爭搢擊正人爲富貴地御史石三畏希指論公當國者顧秉謙票擬逮問會禮侍錢龍錫力持不可乃止公居官二十餘年恪勤一德而屹然特立未嘗倚傍門戶有宋司馬光范祖禹遺風孝友著於鄉閭仁義孚於邦國安貧茹淡一介必嚴以講學爲斯道主盟從遊者日益衆而公不屑屑以之自鳴當癸亥枚卜資望咸屬公大理卿周

應秋錦衣都督許顯純皆璫私人也。一爲公同鄉。一爲公武闈門下士。請爲公道地。公拂然起。卽日具疏乞身。其進退不苟如此。崇禎二年。詔贈禮部尚書。予祭葬。諡文簡。子如璧如璽。俱博雅能文。士林稱之。論曰。國家自嘉隆以迄昌啓。比及百年。公卿大夫。際昇平而樹鴻駿者。不可勝數。其在吾錫。則周文恪。文簡爲最著。立于神廟之朝。不附權相。而流芳者。文恪公也。立于熹廟之朝。蚤忤逆璫。而峻節者。文簡公也。先後四朝父子。一德譬諸作室。暨茨資于後昆。譬之種樹。梓漆食于易世。祖宗養士之効。可謂大矣。顧文恪得罪江陵。終其身不得大拜。至今父老猶傳說之。若文簡晚遭權璫。獨能秉禮守義。毅然不爲屈撓。卒之廻翔史局。奉身而退。幾罹構讒。幸受主知。始終恩禮。此其正氣清標。前後一轍。又非一時都顯位擅大名。所得幾者。嗚呼。錫山巖巖。惠水湛湛。公之名于是乎俱永矣。

曹左都傳

公名于汴字自梁號珍予山西寧邑人也中萬曆壬辰進士授淮安府推官入爲吏科給事中泰昌元年由太常少卿屢遷至都察院僉都御史吏部左侍郎未幾逆奄難作公請告歸崇禎初召爲左都御史亡何閣訟又起公據經守正力爲糾止久之再疏乞休得旨歸里甲戌正月卒於家得年七十有一公爲人孝弟忠信明允篤誠望之如太山喬嶽而卽之如和風暄日立朝務持大議當事務存大體論人務取大

節主張名教。扶養風義。愛惜善類。而於僉人邪黨。有所彈劾處分。未嘗不惻然如傷。一言之可採。寸長之足錄。必加引進。其或反唇相譏。操戈入室。則皇皇引咎。自責與。時貽馮公。應京同舉進士。以聖賢之學。相鏃礪。居家老屋三間。不蔽風雨。席門葦簾。舍菽飲水。端居參究。羣萃扣擊。春星秋霜。終日分夜。壯而仕老。而休。終其身於學問之中。爲諸生時。講求兵農錢賦。邊防水利之要。與馮公討經世實用書。強半出諸腹。爲司李。護陵寢。擒劇盜。驅撻淮泗。間利病。其舉而措之者也。在省垣。論奏皆關天下大計。居憲府。雙簾倚戶。百僚肅然。有顧太康之風。遲重寡言。人或以衰晚日之及。比兵薄都門。論扎日數十下。條對商榷。不移漏刻。詰奸警備。旋至。立應精彊。少年皆斂手歎服。知爲有用之學。平居薄嗜慾。勇辭讓。進禮退義。不失尺寸。當少宰之推也。越馮恭定而用公。小人設械欲藉是而擠之。公固讓。不可。不旬日。堅請去。小人卒無以傷公。其沉幾先物。不俟終日。皆此類也。公死。門人錢宗伯謙益表其墓。

論曰余觀公之生平蓋與黨論相終始云俛仰三十年間雄唱雌和黨同伐異以宮府爲城社以婦寺爲窟穴馴至朝野震動衣冠塗炭而以人之國爲孤注然而丁卯之閹禍卽辛亥黜幽之伏戎也戊辰之閹訟卽丁卯媚閹之遺種也公剪其勾萌撞其機牙卒至屢進放退不得寃其大用而世道之剝復因之豈非君子之所關者重歟虞山先生之論公有曰公之爲學惟仁與誠騶虞之不殺鳳皇之不搏仁也春風之解凍夏雨之解暘誠也仁則無我好賢疾惡皆一體也何惜乎黨議誠則無僞方內直外皆天則也何畏乎學禁知師莫若弟信夫

余尚書傳

公諱懋衡字平伯婺源人萬曆二十年進士知永新縣勤吏事間與諸生講學合紫陽新建之說一以躬行爲本土多宗之入爲山西道御史屢疏請講學勤政三十一年巡鹽長蘆立開掣之法嚴苞苴之條而礦瑞怙寵欲撓鹽法擾民事公力鋤去之三十四年巡按陝西稅瑞梁永尤橫公每事裁抑永恚陰遣厨人酖公厨人賢公不忍殺乃薄其酖得不死事覺公遂抗章劾永罪狀因言邊地易動難安兇徒罪大惡

極○法○振○於○上○則○爲○威○威○不○可○衰○變○起○于○下○則○爲○亂○亂  
不○可○生○陝○西○十○萬○之○稅○皆○係○各○州○縣○裁○役○夫○勒○牙○戶  
括○間○架○徵○蔬○果○剋○廩○膳○剝○軍○需○以○克○之○搜○索○無○遺○公  
私○告○匱○陛○下○撫○有○天○下○奈○何○使○聚○斂○之○小○人○壞○平○明  
明○之○治○也○疏○入○不○報○永○自○是○稍○戢○隨○奉○命○閱○視○延○綏  
固○原○條○邊○政○十○事○皆○鑿○可○行○尋○下○憂○四○十○年○起○補  
河○南○道○御○史○明○年○遷○大○理○右○丞○復○以○憂○去○家○居○八○年  
天○啓○改○元○起○原○官○明○年○進○大○理○左○少○卿○尋○命○協○理○京  
營○時○廣○寧○破○公○請○增○諸○隘○口○戍○兵○運○芻○糧○入○城○修○垣

浚濠堅壁無動改右僉都御史協理如故再遷右副  
都御史協理院事時趙公南星掌院與公交歡南星  
鋒稜嚴毅公稍調和之臺綱秩然會當內計公上計  
典七條皆切時弊有詔褒荅著爲令明年進兵部添  
設右侍郎關外山東黔蜀大司馬董漢儒諸事倚藉  
之魏忠賢漸用事撓兵政公岸狀不爲動有債帥賂  
忠賢求遷公力持不可是時廷臣多欲起李三才向  
與三才爲難者懼其復入倚忠賢阻之而忠賢又恨  
公會南吏部尚書缺吏部以三才及公名上遂越例

降旨以公爲南吏部尚書言官交章請留報可公力  
辭且以病請許之明年忠賢矯旨奪官爲民崇禎初  
復原官二年卒贈太子少保

論曰公自爲御史時卽與礦稅兩璫樹敵幾以身殉  
及爲卿貳逆炤方張執法不撓卒以去國意其人必  
好剛使氣者流而公固學道人也尚醇修敦實學德  
高山岳品重林泉其亦近代以來名卿罕見者哉

